

Il Plan da basa da la mesiraziun uffiziala (PB-MU) dal chantun Grischun

Definiziun/descripziun


Il plan da basa da la mesiraziun uffiziala, curt PB-MU, è ina charta che vegn generada automaticamain da las datas da la mesiraziun uffiziala. Excepziuns èn quest connex èn la represchentaziun da spelm e da glera sco er il relief, las curvas altimetricas e las cotas d'atezza. Quellas vegnan deviadas da la charta naziunala 1:25'000 resp. dal MDT-MU. Il plan da basa è avant maun en tut la Svizra en in'ediziun unifitgada e po vegnir retratg tar il chantun respectiv.

Il PB-MU è vegnì concepì per las scalas 1:5'000 ed 1:10'000. Ina generalisaziun geometrica n'è betg avant maun, ma i vegnan preschentads dapli u damain objects da la mesiraziun uffiziala, tut tenor la scala tschernida. Per territoris abitads e per ils funs da las vals è prevista la scala 1:5'000, per territoris da muntogna e per las ulteriuras regiuns la scala 1:10'000. La disponibladad generala ed il perimeter da cuvrida da la scala respectiva pon vegnir consultads en l'internet sut www.alg.gr.ch.

Il PB-MU datti en ina varianta da color ed en ina varianta en alv e nair. En territoris, nua ch'i n'èn avant maun naginas datas da la mesiraziun uffiziala, vegn la versiun en color a la scala 1:10'000 cumplettada dal plan da survista 1:10'000. Tar las ulteriuras versiuns èn avant maun tacs alvs en ils territoris senza mesiraziun uffiziala. Ina cumplettaziun cun il plan da survista 1:10'000 n'è betg prevista en quests territoris.

Ziclus d'actualisaziun resp. da creaziun

Adattaziuns en il senn tradiziunal n'èn betg previsas tar il plan da basa da la mesiraziun uffiziala. Il matg ed il november vegn el mintgamai fatg da nov or da las unitads da datas actualas da la mesiraziun uffiziala.



Vigur legala

Il cuntegn dal PB-MU n'ha nagina vigur legala.

Retratga

Il plan da basa po vegnir retratg en furma digitala tar il center da geodatas dal Grischun (www.geogr.ch). La consegna vegn fatga part per part.

Ulteriuras infurmaziuns

Uffizi d'agricultura e da geoinfurmaziun

Grabenstrasse 8

7001 Cuir

Tel. 081 257 24 32

info@alg.gr.ch

www.alg.gr.ch